

▼13/08/21-20MSF

CNS2308

U GB 13-08 00181 BH457

aab

Mahathir - Pilihan Raya

PM KATA PILIHAN RAYA UMUM DALAM MASA DUA TIGA BULAN LAGI?

ALOR SETAR, 13 Ogos (Bernama) -- Perdana Menteri Datuk Seri Dr Mahathir Mohamad hari ini mengingatkan PAS dan Semangat 46 bersiap sedia untuk menghadapi pilihan raya umum yang mungkin diadakan dalam tempoh yang singkat.

"Habag (beritahu) kat orang PAS, siaplah orang PAS, dua atau tiga bulan lagi kita akan adakan pilihan raya... umum. Kita nak dengar apa janji orang PAS," katanya ketika berucap pada majlis perhimpunan orang ramai di Dewan Jitra dekat sini hari ini.

Ketika ditanya oleh pemberita di lapangan terbang di sini petang ini sama ada beliau berseloroh atau serius bahawa pilihan raya umum akan diadakan dalam masa yang terdekat, beliau berkata: "Saya ingat PAS patut bersiap-sedia... PAS, Semangat 46 patut bersiap-sedialah, pasal kita nak adakan election.

"Dia takut, tak berani... ada election kalau, habihlah (habislah) dia," katanya.

Dalam ucapannya Dr Mahathir berkata kerajaan PAS di Kelantan masih tidak dapat menunaikan janji-janji yang dibuatnya sebelum pilihan raya termasuk melaksanakan hukum Hudud. -- Lagi

▼13/08/21-33MSF

CNS2310

U GB 13-08 00145 BH458

aab

Mahathir-Pilihan Raya 2 (Akhir) Alor Setar

Dr Mahathir berkata, Menteri Besar Kelantan, Nik Abdul Aziz Nik Mat pula sebaliknya menyatakan "tidak apa" kerajaannya tidak dapat melaksanakan janji-janji itu.

"Sekiranya dia tidak dapat menunaikan janji, apa gunanya dia membuat janji," katanya.

Beliau berkata kerajaan PAS kini mengaku sukar untuk melaksanakan hukum Hudud sedangkan UMNO telah lama menyedari perkara itu.

Perdana Menteri berkata, keadaan dalam negara ini tidak mengizinkan cara-cara yang dirancang PAS itu.

"Kitapun bukan membuat sesuatu yang bertentangan dengan Islam," katanya.

Beliau berkata, kerajaan Barisan Nasional tidak menolak hukum Hudud tetapi Islam memberi kelonggaran kepada keadaan tertentu.

Katanya: "Dia janji tapi dia tak boleh buat. Saya pun tak janji apa tapi kita beri juga. Tak payahlah buat janji. Kalau nak, janji buat baik sudahlah." -- Bernama

KHY APY MAI

▼13/08/21-37MSF